


„Minia Roorda” yn ’t Höflân by Grou biwenne troch Fetze Mellema



Ien fan de âlde pleatsen mei eigen namme sil wis „Roorda” wêze. Yn myn bernetiid waerd it yn'e folksmûle de boskpleatsen neamd, en âlden hiene it oer de boskkrite en de boskmoune. Yn de âlde akten wurdt it „Roorda” en „Minia” neamd.

Doe't ik der hinne gong en fan Grou òf de Jelle Wigle de Visser-wei út fytste, haw ik dochs efkes oan

myn jongesjierren werom tinke moatten. Dér wie gâns foroare, doe oersette oer de Grou, dan troch it lân rinne oer de draei dy't oer de Spoekesleat lei en sa kaem men dan by de boskpleats. Nou op'e fyt, oer in brêge, de strjitwei lâns, faeks romte meitsjende foar foarbysnoarjende auto's. It is hiel oars wurden, mar der is ek hiel hwat forbettere.

Dit stik midden Fryslân is nou alhiel úntsletten.

Mei sokke prakkesaesjes fytste ik it Höflân yn en stapte óf by in pear homeije peallen dêrt de namme „Minia Roorda” op stie. „Prachtich” tocht ik „sa soe ik it nou graech by alle pleatsen hawwe”.

Ik trof it, de boer wie noch thûs. Doe't ik him myn boadskip sei, wie hy fuort ré my to wurd to stean. „Ik ha it wol drok”, sei hy, „mar dat bliuwt dochs sa”. „Folle kin ik jo net fortelle, myn vrou faeks mear”.

Sa hawwe wy in skoftke sitten to praten om meielkoar nei to gean hwa't de lêste ieu boer op dizze pleats west hie. Mei in lytse ûnderbrekking sil it dan ek wol slagje eigener en biwenner fan 1640 óf to neamen.

Yn de floreenkohieren wurdt únder nû. 27 neamd Groot Roorda-Klein Roorda en Minia.

Yn 1640 wiene eigeners A. van Roorda en bern fan syn bruorren. Alles wie doe yn ien hân en 170 pounsmiet great.

Yn 1698 eigeners: Vrouwe Nolkje van Heloma as mem fan har minderjierrige bern yn echte forwekt by Capt. Andries van Roorda- van Velzen silger foar $\frac{3}{4}$ part en de hear Adrianus Bothenius tot Grouw foar $\frac{1}{4}$ part eigener.

1708-1718-1728. Vrouwe Nolkje van Heloma, as mem en foarstander foar har bern: nou de hiele pleats. Brûker Sipke Carstens. De pleats hie 3 stimmen.

1738. Mefr. v. Velzen erven eigener. Durk Clases brûker.

1748. Majoor H. de Haan, $\frac{1}{2}$ part eigener en Sikts. F. A. van Hylkema, $\frac{1}{2}$ eigener. Sybren Sipkes brûker.

1758 as yn 1748.

1768. Hjir giet de pleats yn twaën. nû. 27a. Grytman v. Scheltinga eige-

ner, $\frac{1}{2}$ part, brûker Harm Rinzes. 27b. Sikts. F. A. v. Hylkema eigener, Sybren Sipkes brûker. Nou is 27b it part der't de pleats fan Mellema út fuort kommen is.

1778. eigener en brûker as yn 1768.

1788 eigener en brûker as yn 1778.

1798 fam. Van Scheltinga eigener Rinse en Abe Harms brûker.

1818 selde eigener. Rinze M. v. d. Meulen brûker.

1828. Tjalling Joh. Römer eigener en brûker.

1838. Klaas Sybren v. d. Velde, eigener en brûker.

1850 erven fan Römer eigener, Auke v. d. Goot brûker.

1858. Selde eigener, Bauke P. v. d. Velde brûker, great plm. 31 bunder.

Hwa't krekt eigener en brûker west hawwe wit ik net, mar om 1900 hinne buorke Cornelis Herres Hooghiemster der en letter syn soan Sybbe Hooghiemster.

Dérnei hat S. v. d. Veen der wenne en yn 1949 binne Sjoerd Stelwagen en Sijke Bikker der kommen.

Fan 1955 óf wenje Fetze Mellema en Sijke Bikker der. De pleats is nou eigen aan de brûker en hearde dêrfoar oan de famylje Hamburger en noch eerder oan de famylje Winkler út Haerlim.

Der is mei it lân gâns foroare, der is by de pleats wei rekke en der is wer by kocht. Nou is de pleats noch 57 pounsmiet, hwerfan út de âlde pleats noch 40 pounsmiet.

As men foar „Minia Roorda” stiet, kriget men it idé fan in libben spul. It âlde foarhûs is fuort en der is in kreaze stjelp gevel foar yn it plak kommen.

Nije wike eatouer de buormanspleats „Roorda”.

„ROORDA” TO GROU BIWENN

TROCH WIEBE HOFSTRA

Sa as ik de foarige kears al forteld haw is der súnt myn bernejierren yn de omkriten fan Grouw gâns foroare en dat giet noch altyd troch. Folle is der forbettere en ek is der wol hwat minder wurden. Doe't ik der de buorkerijen bisocht moast ik ek noch tinke oan de forhâldingen fan de boeren ûnderling, hja wiene op elkoar oanwiisd, mar ek altiid stiene hja foar elkoar ré. It sil der noch wol wêze, mar wis oars dan eartiids. Nou is der motorforkear en tillefoan, doe moast der by sykte en ûngemak ûren wachte wurde foardat der help kaem. En dizze help kaem doe, foaral as it mei it fé to meitsjen hie, faek by de bourlju wei.

Mar dochs is der hjir en dêr ek wol wer hwat oars fuortkommen út de foroaringen dy der mei forkear en polders, pleats hawn hauwe. De forbining oer it wetter is der net mear, de opfearten binne ófdamme en de spinnekopmolens smite it wetter der net mear yn út. Sa misste ik wol it ien en oar, mar doe't ik op reis wie nei de pleats fan Wiebe Hofstra en in sinteldyk lâns fytste dy't oanlein wie op een eardere polderdyk, bin ik ris efkes ófstaapt om it moaie fan de âlde opfeart yn my op to nimmen, dêr hwer't foarhinne de molke en sutelerskou trochfaeren, dêr wie nou stilsteand wetter en deryn groeiden de swanne- en snoekkeblommen

„Roorda”, biwenne troch Wiebe Hofstra.



wol sa prachtich, as min it mar inkeld sa sjucht.

Sa kaem ik dan op „Roarda”, de helte fan it âlde Roarda dêr’t ik forline wike de oare helte bisprutsen haw (Minia Roorda). „Roarda” is âld, in pleats mei foarkeamer- en molkekelder en dy sil der wis al hiel hwat jieren sa stien hawwe.

Ik trof de boer oan it berm meen, „Net omdat it sa folle wudich is” sei hy, „mar omdat it c sa raer hinne leit”. Op myn freejen nei pleats en foarige biwenner kaem de seine efkes ta rëst. „Wy wenje, dat wol sizze, ús heit, hjir fanôf 1914 en der foar wie it Rintje Klazes de Jong, mear kin ik jo d'r net fan fortelle, zei de hear Hofstra.

It wie foldwaende om nei togean hwa't hjir eartiids wenne hawwe en hwa't eigener wiene. Yn de florearkahieren komt de pleats foar ûnder 27 mei de folgjende eigeners en brûkers.

1640. A. v. Roarda en syn broers bern.

1698. Frouwe Noltje van Heloma is mem fan de minderjierige bern by wylen Capt. Andries van Roarda van Velsen in echte verwekt $\frac{3}{4}$ part en de Hear Adrianus Bothenius to Grou $\frac{1}{4}$ eigeners.

1708—1728 eigener Vrouw Nolkjen v. Heloma as mem en foarstander oer har bern, by Kapitein V. Velsen yn echte forwekt! Sipke Carstens brûker.

1738. Mevr. v. Velsen erven eigener Durk Clazes brûker.

1748. majoor H. de Haan $\frac{1}{2}$ en secr. F. A. van Hylkema $\frac{1}{2}$ part-eigner. Sybren Sipkes brûker.

1758. mevr. Bothenius erven en Secr. T. v. Hylkema eigner, Sybren Sipkes brûker.

1768 nû. 27st Grytman van Scheltinga eigner, Harm Rintjes brûker great 31 bunder.

1778. selde eigner en brûker.

1788. selde eigner en brûker.

1798. Fam. v. Scheltinga eigners. Rintje Tjerks brûker.

1818. J. P. v. Hylkema - J. W. v. Scheltinga en J. C. Bergsma eigeners, Rintje Tjerks de Jong brûker.

1828. J. P. v. Hylkema's erven eigner. Rintje de Jong brûker.

1838. J. P. v. Hylkema's erven met name, Tinco Frisius en Bavius v. Hylkema en H. H. de Carpenter, eigner. Rintje T. de Jong brûker.

1850—1858. Cornelis Franciscus Frisius van Hylkema eigner, Rintje de Jong brûker.

Yn de stimkahieren stie Roorda mei ien stim. Hoe it nei 1858 mei de eigeners gongen is wit ik net, de famylje De Jong hat der noch wol in skoft wenne. Yn it bigjin fan dizze ieu wenne der Rintje Klazes (de Jong). Dit sil noch wol in neisaet west hawwe fan de earder neamde Rintje de Jong.

Yn 1914 is de famylje Hofstra hjir kommen. Hotze P. Hofstra earst mei Dieuwke de Groat en letter mei Wietske Boonstra.

1956—1963. Wiebe Hofstra en Popkje de Jong. It is nou in eigen pleats mei noch 14 ha lân der by. Der wirdt noch oar lân by brûkt. Sa dat der op Roarda in 20 melke kij hâlden wurde kinne.

Sa is it dan nou mei „Roarda Rinia” fan al ear in sathe fan 170 pounsmiet. Nou op it âlde sté twa pleatsen en in tredde soe der by to heljen wêze, de pleats fan Van Dyk dy't letter boud is en rwêrt lân by brûkt wirdt ôfkomstich fan dizze âlde sathe.

M

d. H.